

Lima rumah kedai musnah terbakar

Oleh **Asrol Awang** - Mac 3, 2022 @ 12:30pm

bhnews@bh.com.my



Anggota bomba dan penyelamat melakukan operasi pemadaman rumah kedai yang terbakar di Jalan Besarh, Kuantan, awal pagi tadi.- Foto ihsan JBPM

KUANTAN: Lima rumah kedai musnah dalam kebakaran di Jalan Besarh, di sini, tengah malam tadi.

Penolong Pengarah Operasi Jabatan Bomba dan Penyelamat Malaysia (JBPM) Pahang, Ismail Abdul Ghani berkata, bagaimanapun, kejadian itu tidak menyebabkan kehilangan nyawa dan kecederaan.

Katanya, berdasarkan laporan, Pusat Gerakan Operasi (PGO) JBPM menerima panggilan kecemasan pada jam 12.47 tengah malam.

"Seramai 24 pegawai dan anggota dari Balai Bomba dan Penyelamat (BBP) Kuantan, Indera Mahkota dan Gebeng bersama enam jentera terbabit dalam operasi pemadaman.

"Operasi pemadaman membabitkan lima rumah kedai yang mengalami kemusnahan 100 peratus dan api berjaya dikawal pada jam 2.14 pagi," katanya dalam satu kenyataan, hari ini.

Beliau berkata, operasi ditamatkan jam 6.04 pagi dan punca kebakaran masih dalam siasatan.